

# რას ვიპრობენ ადგილობრივი პოლიტიკოსები ხელისუფლებაში განვითარებული პროცესების შესახებ?

მარი კომოვი



ხვედრაზე გარკვეული მიმართულებებით აზრთა სხვადასხვაობა გამოიკვეთა, რამაც გამოიწვია ცვლილებები. ის რეფორმები, რომელიც ქვეყანაში უნდა გატარდეს, საჭიროებს მტრ ეფექტურობას. აქედან გამომდინარე პრემიერ-მინისტრობის ახალი კანდიდატის შერჩევასთან დაკავშირებით გაიმართა კონსულტაციები და გაფართოებული შეხვედრა, რის შემდეგაც „ქართულმა ოცნებამ“ ერთხმად პრემიერ - მინისტრის პოსტზე მამუკა ბახტაძის კანდიდატურა წარადგინა. დარწმუნებული ვარ მამუკა ბახტაძის ხელმძღვანელობით ჩვენი ხელისუფლება შეძლებს იმ გამოწვევებთან გამკლავებას, რომლის წინაშეც დგას დღეს ჩვენი ქვეყანა.

**თორნიკე გოგუაძე** („ნაციონალური მოძრაობა“):



– ბუნებრივია, ველოდებით და ვფიქრობდით რომ პრემიერს ეყოფოდა კეთილგონიერება და ჯერ კიდევ მაშინ გადადგებოდა, როდესაც მოზარდების მკვლელობის გამოძიებისას გამოიკვეთა, რომ მკვლელებს, ხელისუფლების მაღალჩინოსნები მფარველობდნენ. გადადგომა განაპირობა შეილმკვლარი მამების, დედების და საზოგადოების პროტესტმა.

ამას დაემატა, მარნეულის მკვლარის მიმართ, არაადამიანური მოპყრობის და ღირსების შემლახავი კადრი. შექმნილი ვითარებიდან გამომდინარე პროტესტი იმდენად დიდი იყო, რომ საზოგადოების დასამშვიდებლად, ახალი ზეარაკის შეწირვა გადაწყვიტეს.

**მისილ გოგოტიშვილი** („ევროპული საქართველო“): – სრულიად ჩავარდნილი პრემიერ მინისტრი, რომელიც ასევე მალე, წარუდგენს პარლამენტს ახალ მთავრობას, ახალ ხედვას. უმთავრესი, სწორედ ეს ახალი ხედვა გახლავთ, რადგანაც არსებული პოლიტიკური, ეკონომიკური პროცესი, მართლმსაჯულებისა და სამართლიან-



ილი პრემიერ მინისტრი, რომელიც, თავიდანვე განწირული იყო წარუმატებლობისთვის, ივანიშვილის არაფორმალური მართველობის პირობებში, მაგრამ მისმა ჩავარდნებმა მოლოდინსაც კი გადააჭარბა. მთავარი, რეალური პრობლემა ივანიშვილი და მთლიანად მისი გუნდია. ინსტიტუტების დასუსტება, კორუფცია, კრიმინალის ზრდა, სარალიძის საქმე, სილარდის ზრდა. მთელი საზოგადოების ამოცანაა, შემდეგ არჩევნებზე, ივანიშვილი და მთელი მისი გუნდი გავისტუმროთ.

**შოთა გოგიაშვილი** („პატრიოტთა ალიანსი“): – უმთავრესი პოლიტიკური პროცესი, რაც ამჟამად ქვეყანაში მიმდინარეობს, გახლავთ ახალი მთავრობის ჩამოყალიბების პროცესი. ახალ მთავარია მალე



შეირჩეს პრემიერ მინისტრი, რომელიც ასევე მალე, წარუდგენს პარლამენტს ახალ მთავრობას, ახალ ხედვას. უმთავრესი, სწორედ ეს ახალი ხედვა გახლავთ, რადგანაც არსებული პოლიტიკური, ეკონომიკური პროცესი, მართლმსაჯულებისა და სამართლიან-

▶▶▶ გვ-2

## კ რ დ ი რ ნ ი

უძველესი გაზეთი უახლესი ინფორმაციებით!

ს ა ზ ო გ ა დ ო ე ბ რ ი ე - პ ო ლ ი ტ ი კ უ რ ი გ ა ზ ე თ ი .  
 ყოველკვირეული გამოცემა. № 24 (10269) 18 ოგონი, 2018 წ. შპსი 60 თეთრი.

გაზეთი გამოდის 1931 წლის 5 იანვრიდან

### ფიზიკური დაპირისპირება საპრემიერული

**ალიონი.** გასულ პარასკევს ოზურგეთის მუნიციპალიტეტის ადმინისტრაციულ შენობაში ინციდენტი მოხდა. ერთმანეთს დაუპირისპირდნენ დაბა ნასაკირალის მაჟორიტარი დეპუტატი, ერთიანი ნაციონალური მოძრაობის წევრი ბესო ქათამაძე და ფრაქცია „ქართული ოცნების“ რამდენიმე დეპუტატი. მათი სიტყვიერი დაპირისპირება ფიზიკურ დაპირისპირებაში გადაიზარდა და როგორც დაზარალებული ბესო ქათამაძე აცხადებს, მას ერთ-ერთმა დეპუტატმა თავში რაღაც ჩაარტყა, რის შედეგად ტრავმა მიიღო და გონი დაკარგა.

– ინციდენტი ჩემს პოლიტიკურ საქმიანობას და სოციალურ ქსელში ჩემს აქტივობას უკავშირდება. დამირეკეს და მითხრეს, რომ სალაპარაკო ვაქცესო. როცა შევედი დარბაზში დალაპარაკებაც ვერ მოვასწარი, თავს დამესხნენ, რამდენიმე დეპუტატი მირტყამდა. შემდეგ უკნიდან რაღაც ჩამარტყეს თავში და გონი დავკარგე. აზრზე რომ მოვედი, მარტო ვიყავი. ფრაქცია „ქარ-

თული ოცნების“ თავმჯდომარე გ. არიშიძე, დ. ჭკანელიძე, გ. კლაძე და კიდევ რამდენიმე დეპუტატი მირტყამდა – უთხრა გაზეთ „ალიონს“ ბესო ქათამაძემ ოზურგეთის „მედალფას“ კლინიკაში გადაყვანამდე.

ფურნალისტებმა დაზარალებული დეპუტატი საავადმყოფოშიც მოინახულეს. „პაციენტს სხვადასხვა ზომის 3 ჭრილობა ჰქონდა თავზე. მათგან ერთი იყო სისხლმდენი. ჩაუტარდა შესაბამისი მკურნალობა და ამჟამად პაციენტის მდგომარეობა დამაკმაყოფილებელია – გვითხრა „მედალფას“ დირექტორმა დავით მდინარაძემ.

უნდა აღინიშნოს, რომ მუნიციპალიტეტის საკრებულოში დეპუტატის ცემის ფაქტზე არანაირი ინფორმაცია არ მოგვცეს როგორც საკრებულოს თანამშრომლებმა, ისე „ნაციონალური მოძრაობის“ 2 დეპუტატმა, რომლებიც იმ დროს შენობაში იმყოფებოდნენ.

ოზურგეთის მუნიციპალიტეტის ადმინისტრაციულ შენობაში მომხდარ ცემის ფაქტზე შსს-მ გამოძიება 126-ე მუხლით დაიწყო.



### ყველა დროში სეზე სიტყვის მთქმელი და არანაკლები საქმის მკეთებელი სოფელი

თემურ მარგანიშვილი

სოფელი დვბაზუ სახელდებული, მაღალი კულტურის, ტრადიციებით მდიდარი, ერთ-ერთი უძველესი საცხოვრისია გურიაში. დღევანდელი დვბაზუ, როგორც ოზურგეთის მუნიციპალიტეტის ერთ-ერთი მსხვილი ტერიტორიული ერთეული, მოიცავს თვით დვბაზუს, გაღმა დვბაზუსა და დვბაზუს ნასაკირალს, მთლიანობაში 850-მდე კომლითა და 3200-მდე მცხოვრებით.

დვბაზუს ჯერჯერობით არ ჰყავს მუნიციპალიტეტის მერის ახალი წარმომადგენელი, თუმცა, უნდა ითქვას, რომ ვასო ღლონტი და იური გოგოტიშვილი, რომელთა დახმარებით ეს რეპორტაჟი მომზადდა, მოსახლეობაში ავტორიტეტით სარგებლობენ და უნარიანად უძღვებიან სოფელს.

სოფელი გაზიფიცირებულია, დამთავრებულია ინდივიდუალური ელექტროგამრიცხვლიანება, მნიშვნელოვანი ძვრებია სხვა ინფრასტრუქტურული პროექტების განხორციელების თვალსაზრისითაც, რეგიონული განვითარებისა და ინფრასტრუქტურის სამინისტროს დაფინანსებით მიმდინარეობს დვბაზუსა და ჭალა-ბოხვაურის შემაერთებული ორკილომეტრიანი გზის რესტავრაცია და



მოსავალტება. სოფლის ტერიტორიაზე მდებარეობს შპს „ასკანგელ-ალიანსი“, რომელიც დასაქმებულია ათამდე დვბაზუელი, მუშაობს ჩაის გადამამუშავებელი ფაბრიკა, აიგოსავალტის ქარხანა, ორივე განსაკუთრებით რამდენიმე დვბაზუელი, თუმცა, ასვალტის ქარხანაზე ადგილობრივი მოსახლეობის აზრი განსხვავებულია, ერთი ნაწილი იწონებს სოფელში ამ ობიექტის აშენებას, მეორე ნაწილი კი მიიჩნევს, რომ ასვალტის ქარხანა ეკოლოგიურად დააბინძურებს სოფელს.

სხვა სოფლებთან შედარებით, დვბაზუს წყალი არ უჭ-

ირს, ადრე იგი მდინარე ჩუნიდან მოდიოდა, იქ იყო წყალსადენის სათავე ნაგებობა. სადღესოდ კი ჭის წყლით სარგებლობენ. სრულყოფილად აღადგინეს ღელეები, რითაც მოიხსნა ჭებში წყლის დაშრობის საშიშროება.

მიუხედავად იმისა, რომ დვბაზუ ქალაქთან ახლომდებარე სოფელია, მიგრაციული პროცესი აქაც შეინიშნება, 120-მდე სახლია მიტოვებული. მეპატრონეების ნაწილი მხოლოდ ზაფხულობით ან თხილის სეზონზე თუ გამოჩნდება ხოლმე.

სოფელი ძირითადად სწორ რელიეფზეა განფენილი, საკა-

რმიდამო ნაკვეთებში უმთავრესად მოჰყავთ თხილი და ერთწლიანი კულტურები. საკარმიდამო ნაკვეთის ზღვრული ნორმა დვბაზუში 1 ჰექტარია, გაღმა დვბაზუში – 6500 კვადრატული მეტრი. საკარმიდამო ნაკვეთებს გარდა, დვბაზუელებს ზღვისპირა დაბლობ ზოლში – ლეკიანსა და ჩალიანში აქვთ სავარგულები.

როგორც ვასო ღლონტმა გვითხრა, გაღმა დვბაზუში საკარმიდამოს ზღვრული ნორმა 8 000 კვადრატულ მეტრამდე ავიდა, მაგრამ:

▶▶▶ გვ-3



### გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ.სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;

საცალო ფასი: 60 თეთრი, ხელმოწერა:  
ერთი თვით - 2,40 ლარი,  
სამი თვით - 7,20 ლარი,  
6 თვით -14,40 ლარი,  
ერთი წლით - 29,60 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

**სარეკლამო მომსახურება**  
რედაქტორი  
**ნუგზარ ასათიანი**  
nugzarasatiani@rambler.ru  
558 499100  
საინფორმაციო სამსახურის  
ხელმძღვანელი:  
**თემურ მარშანიშვილი**  
tem52@mail.ru  
599 373515  
კომპიუტერული უზრუნველყოფა  
**გიორგი გოგოლაძე**  
gia\_77@mail.ru  
551 576060  
რედაქციის მისამართი: ქ. ოზურგეთი, გაბრიელ ებისკოპოსის ქ.№3  
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311  
გაზეთი იბეჭდება გამოცემლობა „მერიდიანში“  
მის: თბილისი, ვ. ბაგრატიონის ქ. №77

დაინყეთ ყოველი  
ოქმებათი აციონზე  
«ალიონით»

## რას უძირობენ ადგილობრივი პოლიტიკოსები ხელისუფლებაში ბანკითარაგული პროცესების უსახეობა?

ობის კუთხით მიმდინარე მოვლენები, აღარ აკმაყოფილებს ქართველ ხალხს. სწორედ ამან განაპირობა, რომ ქართულ საზოგადოებას ღია ჭრილობასავით ეტყობოდა უკმაყოფილების სინდრომი მართლმსაჯულებასთან, სამართლიანობის აღდგენლობასთან დაკავშირებით - ამას დაემატა ეკონომიკური სიღუპე. მიუხედავად მაჩვენებლებისა, რომ თითქოს, სტაბილურად იზრდება ქართული ეკონომიკა, მოსახლეობა გრძნობს მხოლოდ სიღუპეზე, სიღატაკს. ეს მაშინ, როცა სერიოზული პროექტები ხორციელდება, მათ შორის ჯანდაცვის და ასე შემდეგ. ესე იგი მთავრობას რაღაც აკლია მენეჯმენტში, მიდგომებში. რაც მთავარია და პრემიერის გადადგომის შესახებ განცხადებაშიც გაუქურდა, მისი მიდგომები გახლდათ რადიკალურად მემარჯვენე. შენიშვნას იმსახურებდა რომ რეფორმები რომელსაც ატარებდა. არ ითვალისწინებდა მოსახლეობის სოციალური პრობლემატიკის კომპენსირებას, ფინანსურ კომპენსირებას. კერძოდ, აქციზის გაზრდის, სხვადასხვა საქონლის ფასთა მატების და ა. შ. ყოფილმა პრემიერმა, თვითონ განაცხადა რომ მისი ხედვები, იყო მემარჯვენე, ამიტომ, ვფიქრობ ეს ხედვებიც უნდა შეიცვალოს. მიმდინარე მომენტში „ქართულ ოცნებას“ სხვა ამოცანები აქვს. გარდა იმისა, რომ მართლმსაჯულების მოწესრიგებასა და სამართლიანობის აღდგენაზე უნდა იფიქროს, ამავე დროს უნდა იფიქროს ეკონომიკური პროცესის გააქტიურებაზე და სიღუპის აღმოფხვრაზე. მოვლენების ასეთ განვითარებას, ველოდი. დიდი ხანია მომწიფებული

ყოფილი ეს საკითხი. მით უფრო გააქტიურდა ეს თემა, რაც ბიძინა ივანიშვილი დაბრუნდა პოლიტიკაში და გახდა „ქართული ოცნების“ თავმჯდომარე. რა თქმა უნდა, ასეთ მდგომარეობას, ისედაც ვერ შეგუებოდა ქართველი ხალხი, რადგანაც ბევრი რამ არის შესაცვლელი და აუცილებლად უნდა შეიცვალოს, ასე გაგრძელება აღარ შეიძლება.



**დავით მამალაძე** (ლეიბორისტული პარტია): სახეზე გვაქვს როგორც პოლიტიკური, ეკონომიკური კრიზისი, ასევე ზოგადად სისტემის კრიზისი. მთავრობის გადადგომაც უზუსტად ამ საკითხებთან არის დაკავშირებული. კარგია რაც უფრო ჩქარა მოხდება პარლამენტის თვითლიკვიდაცია და დაიგეგმება ვადამდელი საპარლამენტო არჩევნების ჩატარება, საპრეზიდენტოსთან ერთად. ეს იქნება ყველაზე კარგი, უმტკივნეულო გამოსავალი ჩვენი ქვეყნისთვის. მთავრობის, პრემიერის გადადგომას ველოდი და უფრო ადრეც. რადგან სახეზე გვაქვს სისტემური, პოლიტიკური, ეკონომიკური კრიზისი. კრიზისიც აღარ ქვია უკვე ეს უკვე კატასტროფაა.

## ნინო წილოსანი: „პროცესის ქვეყნებში ქალთა ჩართულობა მაღალია“



**ალიონი.** გასულ პარასკევს ოზურგეთის დემოკრატიული ჩართულობის ცენტრში გაიმართა საინფორმაციო შეხვედრა ქალთა უფლებების, ოჯახში ძალადობისა და დისკრიმინაციის საკითხებზე. შეხვედრა „დემოკრატიული ჩართულობის ცენტრების ქსელის“ აღმასრულებელმა დირექტორმა **ნინა ზატისკაცმა** გახსნა. საქართველოს პარლამენტის მაკორიტარმა დეპუტატმა, პარლამენტის გენდერული საბჭოს წევრმა **ნინო წილოსანმა** ისაუბრა ქალთა უფლებების, მათი პოლიტიკური ჩართულობისა და ეკონომიკური გაძლიერების შესახებ. -საქართველო იყო მე-7 ქვეყანა, სადაც ქალებმა საარჩევნო ხმის უფლება მიიღო. 1918 წლის 26 მაისს საქართველოს დამოუკიდებლობის აქტს 5 ქალმა დეპუტატმა მოაწერა ხელი, მაგრამ დღეის მდგომარეობით საქართველოსაგან განსხვავებით ვერაპის ქვეყნებში ქალთა ჩართულობა პოლიტიკაში მაღალია. საქართველოს პარლამენტში 2010 წლიდან მუშაობს მუდმივმოქმედი გენდერული საბჭო, გენდერული საბჭოები შექმნილია ყველა მუნიციპალიტეტში, მაგრამ 2017 წელს ადგილობრივი თვითმმართველობის არჩევნებისას ქალები 13 პრო-

ცენტითაა წარმოდგენილი მუნიციპალიტეტში. მატება წინა მოწვევის საკრებულოებთან შედარებით მხოლოდ 1,5 პროცენტია, ხოლო 64 არჩეული მერდან, მხოლოდ 1 ქალი. არც ბოუჯეტია გენდერულად ნეიტრალური - აღნიშნა ნინო წილოსანმა. შინაგან საქმეთა სამინისტროში ასლადამუშევილი ადამიანის უფლებების დაცვის დეპარტამენტის ამოცანებზე და სამომავლო საქმიანობაზე ისაუბრა სამინისტროს ადამიანის უფლებათა დაცვის დეპარტამენტის წარმომადგენელმა **ბელა ფიფია**. - ახალი რეგულაციებით, შემკავებული და დამცავი ორდერების გამოყენება შესაძლებელია ქალის მიმართ ძალადობის ფაქტის გამოვლენის ყველა შემთხვევაში და პოლიციის მიერ გაცემული შემკავებული ორდერის ძალაში შესვლისათვის ადარაა საჭირო მისი სასამართლოში წარდგენა - აღნიშნა მან. დისკრიმინაციის წინააღმდეგ ბრძოლის ეროვნული კანონმდებლობისა და მექანიზმებზე ისაუბრა საქართველოს სახალხო დამცველის ოფისის თანა-სწორების დეპარტამენტის წარმომადგენელმა **მარიეტა ახვლედიანმა**.

## პროექტ „ადგილობრივი საბჭოს“ პრეზენტაცია



**ალიონი.** გასულ პარასკევს გაიმართა პროექტ „ადგილობრივი საბჭოს“ პრეზენტაცია. თემაზე -საზოგადოებრივი აქტივობების დაგეგმვის პროცესში სამიზნე ჯგუფების სწორად შერჩევა (ანტი-სოციალური ქცევის მქონე არასრულწლოვანების ჩართვა სხვადასხვა სპორტულ-საგანმანათლებლო აქტივობაში; ადგილობრივ მიუსაფარ ბავშვთა სახლებიდან გამოსული, 18 წელს მიღწეული ახალგაზრდების ჩართვა სოციალურ ცხოვრებაში) - ისაუბრა ოზ-

ურგეთის რაიონული პროკურატურის პროკურორმა **შოთა ჩხაიძემ**. ოჯახურ ძალადობაზე და მისი პრევენციის მიზნით ადგილობრივ დონეზე განსახორციელებელი ღონისძიებების დაგეგმვაზე ისაუბრა ოზურგეთის რაიონული პროკურატურის მთავარი პროკურორის მოადგილე **მალხაზ სირაძემ**. გაიმართა დისკუსია რეგიონისათვის დამახასიათებელ პრობლემატურ და საგზაო მოძრაობის უსაფრთხოების საკითხებზე.

## სოფლებში, „ლიბერთი ბანკის,, სერვისებით სარგებლობა, მხოლოდ ბანსაზღვრულ დღეებში შეიძლება

**ალიონი.** ამერიიდან სოფლებში „ლიბერთი ბანკის“, პეი ექსპრეს (PAY Exspres) მომსახურების ცენტრები, აღარ იმოქმედებს. რაც, შეიძლება ითქვას რომ პირველ რიგში, პენსიონერებს უქმნის დისკომფორტს და ისინი სოფლებში შეხვედრებისას ამის გამო უკმაყოფილებას გამოთქვამენ. რა გახდა მომსახურების ცენტრების გაუქმების მიზეზი? - ვკითხეთ „ლიბერთი ბანკის“ გურიის რეგიონალური ფილიალის მმართველს, **გიორგი აბსარიძეს**. - თქვენ უნდა დაუკავშირდეთ „ლიბერთი ბანკის“ სათაო ოფისის პრესცენტრს და ყველა კითხვაზე გაგცემენ ამომწურავ პასუხს - გვითხრა მან და მოკლე კომენტარით შემოიფარგლა. -„აბსოლიტურად ყველა სოფელში შედის ჩვენი მანქანები. ამის შესახებ წინასწარ აქვს ინფორმაცია მოსახლეობას. 2-3 დღით ადრე ხდება გრაფიკის გაკვრა. ყოველ 14 რიცხვში იწყება პენსიების გაცემა, ამის მიხედვით, სოფლის რწმუნებულთან კომუნიკაციის შემდეგ, ვთანხმდებით კონკრეტულ დროზე“ - გვითხრა



აბსარიძემ. მისივე თქმით ასე ბანკის დაცულობის ხარისხიც გაიზარდა. მანქანები სოფლებში, დაცვის თანხლებით, გადიან. შეგახსენებთ რომ რამდენიმე სოფელში, ადგილი ქონდა, პეი ექსპრეს მომსახურების ცენტრების ძარცვას (კონჭკათი, ნატანები, ცხემლისხიდი, შემოქმედი..). „ლიბერთი ბანკი“ განსაზღვრულ დღეებში კვლავ განაგრძობს სოფლის მოსახლეობის საბანკო მომსახურებით უზრუნველყოფას. როგორცაა: პენსიისა და სოციალური დახმარების აღება, ფულადი გზავნილის მიღება ან გაგზავნა, ანგარიშის გახსნა, სესხის აღება, კომუნალური და სხვა გადასახადების გადახდა და სხვა.



რეპორტაჟი დეზაზუდან

# ყველა დროში სეფი სიტყვის მითქმელი და არანაკლები საქმის მკეთებელი სოფელი



„გაღმა დეზაზუს მოსახლეობას შესთავაზეს საკარმიდამო ნაკვეთის ზღვრული ნორმა 8000 კვადრატულ მეტრამდე შეეცნოთ, სწორედ ზღვისპირა ზოლში მდებარე სავარგულების ხარჯზე. პირადად მე 3000 კვადრატული მეტრი მომცეს, ზოგს – მეტიც, მაგალითად, ჟენია მგერელაძეს – 5000 კვადრატული მეტრი. შემდეგ, გოგებერიძის მმართველობის პერიოდში, მოტივით ზღვის ახლომდებარე სამკილომეტრიან ზოლში არ შეიძლებოდა მიწა კერძო საკუთრება ყოფილიყო, ხალხი აიძულეს ეს ნაკვეთები დაეთმო და ზღვრული ნორმა ისევ 6500 კვადრატული მეტრი დარჩა. უფრო მოშორებით, ამ ზოლის მომიჯნავედ, დღეს რამდენიმე დეზაზუსელს აქვს წარმატებული ბიზნესი, მაგალითად, ჩალიანში ჯოული ბასილაშვილი მისდევს მესაქონლეობას, ხოლო თენგიზ სკამკოჩიაშვილს სათბურში მოკვავს ბოსტნეული კულტურები, რომლის რეალიზაციას ძირითადად ახდენს დედაქალაქში, სადაც უკვე აქვს საკუთარი მალა-

თქმით, ახალი შენობა უფრო, ალბათ, ფორსმაჟორისთვის გამოდგება, ძველში კი, სადაც ამჟამად იმყოფებიან, აუცილებლად მოსავარგებელია რამდენიმე პრობლემა:

„ახალი, ალბათ, უფრო ფორსმაჟორულ სიტუაციაში გამოდგება, სულ 36 კვადრატული მეტრია. აქ კი ფართი გაცილებით მეტია, 90 კვადრატულ მეტრამდე, თუმცა, გვაქვს პრობლემები, რომელთა გადაჭრა, ჩემი აზრით, არ უნდა იყოს ძნელი.

რაოდენ უცნაურადაც არ უნდა გეჩვენოთ, მთელი შენობა გაზიფიცირებულია, ჩვენთან კი გაზის ერთი მილიც არ არის შემოყვანილი. ნახეთ, გადაიღეთ, ყველა ფანჯარა მეტალოპლასტმასისაა, ჩვენი ორის გარდა. ვსარგებლობთ საბავშვო ბაღის წყლით, ზაფხულში კი, როცა ბაღი ისვენებს, ამბულატორია ფაქტობრივად რჩება წყლის გარეშე.

ეზო ჭიშკართან იტბორება ღელის წყლით,

შთანთქა. დაზარალებულს ადგილობრივმა ხელისუფლებამ 10 ათასი ლარი გამოუყო საცხოვრისის შესაძენად. 6 ათასი ლარის დამატებით ხინთიბიძეების ოჯახმა დეზაზუსში შეიძინეს საცხოვრებელი სახლი, რომელიც საჭიროებს სახურავის შეცვლას,

როგორც ქალბატონმა ნაზიმ გვითხრა, მისი ოჯახი ამასწინათ მოინახულა ოზურგეთის მაჟორიტარმა დეპუტატმა არჩილ თალაკვაძემ. რომელიც გაეცნო ოჯახის პრობლემებს და შესაძლებლობის ფარგლებში დახმარებაც აღუთქვა მასპინძელს.

ქალბატონი ნაზის თქმით, თავის ხუთსულიან ოჯახს (ბებია, შვილი და შვილიშვილები) შეწყვეტილი აქვს სოციალური დახმარება. სოფლის ხელმძღვანელობის დახმარებით, სოციალურ სამსახურში შესაბამისი განცხადების გაკეთების შემდეგ, ოჯახი ხელმეორედ აღწერა

შვილი) აშენებს საბავშვო ბაღს. ბალავარი უკვე ჩაყრილია, პირველი ბეტონიც ჩასხმულია, სულ მშენებლობაზე 447 ათასი ლარის სამუშაოებია შესასრულებელი.

დეზაზუს ნასაკირალელები მიიჩნევენ, რომ, პირველ რიგში, წყლის პრობლემა უნდა გადაიჭრას. ვასო ღლონტის თქმით, ამ პრობლემას მალე მოეწეება და ადგილობრივები თვითღინებით მიიღებენ წყალს.

აქაურები მომთაბარე ხალხია. ბერიძეების ოჯახის უფროსს, ზურაბ ბერიძეს 25 სული საქონელი უკვე იალაღზე ჰყავს ზოტიყელში, ბარში ოჯახს მისი ვაჟები უძღვებიან, რომლებიც საკარმიდამო ნაკვეთში მიწათმოქმედებით არიან დაკავებული. როგორც მათ გვითხრეს, უბანში უკვე ორჯერ ჩატარდა აზიური ფაროსანას საწინააღმდეგო ღონისძიებები



„ზიები“. ერთი შეხედვით, ცოტა უცნაურია, საექიმო ამბულატორია ფუნქციონირებს საბავშვო ბაღის შენობაში, მაშინ, როცა სოფლის ცენტრში დგას ჯანდაცვის სამინისტროს დაფინანსებით აგებული ამბულატორიის ტიპური შენობა.

ვასო ღლონტის განმარტებით, როცა სოფელში სახელმწიფო პროგრამით ახალი ამბულატორიის მშენებლობა გადაწყდა, ამბულატორიის თანამშრომლები ფაქტობრივად ღია ცის ქვეშ იყვნენ, რადგან შენობის ზედა სართული, რომელშიც ახლა ისინი იმყოფებიან და რომელშიც საბავშვო ბაღია განთავსებული, ფაქტობრივად გაუწყობელი იყო. ამბულატორიის ახალი შენობის დამთავრებამდე, მოხდა ამ შენობის მოწესრიგება და მასში საბავშვო ბაღისა და საექიმო ამბულატორიის განთავსება.

ამბულატორიის ექიმის თამარ თალაკვაძის

ფაქტობრივად დაჭაობებულია მისი გარკვეული ნაწილი. გარდა იმისა, რომ როგორც ჩვენ, ისე პაციენტებს გვექმნება გადაადგილების პრობლემა, ჭაობდება აქაურობა.

ადრე 2000 მოსახლეზე ერთი ექიმი და ერთი ექთანის მოდიოდა. დეზაზუსში გაცილებით მეტი ადამიანი ცხოვრობს, ჩემი აზრით, გაღმა დეზაზუსშიც უნდა იყოს საფერწლო პუნქტი.

რაც შეეხება ჩვენს ხელფასებს (ექიმისა – 500 ლარი, ექთნისა – 455 ლარი), ეს ფაქტობრივად ხელფასები კი არა, ამბულატორიის შენახვის ხარჯებია. მოგეხსენებათ, რა ღირს ზამთარში შემა, რა ძვირია ელექტროენერჯია“.

საექიმო ამბულატორიის შემდეგ, სოციალურად დაუცველი ნაზი ხინთიბიძის ოჯახს ვესტუმრეთ, ეს ის ნაზი ხინთიბიძეა, ვისი სახლიც სოფელ ძიმითში შარშან მეწყერმა

სოციალურმა აგენტმა და ახალი სარეიტინგო ქულა 29 ივნისისთვის გახდეს ცნობილი.

დეზაზუს ნასაკირალში გამგზავრებამდე, ჯონდო მგელაძემ შეგვიპატიჟა ეზოში, დეზაზუსელს რომ შევერის, ისე გვიმასპინძლა და თავისი ოჯახი გაგვაცნო. ჯონდო გამოცდილი ბიზნესმენია, რომელსაც ადრე თბილისსა და რუსთავშიც ჰქონდა ბიზნესი. მშობლიურ სოფელში ახლა მეფრინველეობას მოჰკიდა ხელი და საკმაოდ წარმატებითაც. დეზაზუსელებმა გვითხრეს, რომ ჯონდო მათი დახმარების ტალკვესია და ყოველთვის ეიმედებათ მისი.

დაბა ნასაკირალის მიმართულებით ეკომიგრანტების 52-კომლიან დასახლებას დეზაზუსელებმა სიყვარულით დაარქვეს „დეზაზუს ნასაკირალი“. ვასო ღლონტის თანხლებით, აქ მოვინახულეთ ის ადგილი, სადაც ფირმა „კაიზენი“ (ხელმძღვანელი გონა ერქომაი-

და ამ თვალსაზრისით აქ სტაბილური მდგომარეობაა.

დავინტერესდით შაინიძეების მრავალშვილიანი ოჯახის მდგომარეობით, რადგან გავიგეთ, რომ ერთ-ერთი შვილი საზღვარგარეთ მკურნალობას საჭიროებდა. სამწუხაროდ, ოჯახის არც ერთი წევრი ადგილზე არ დაგვხვდა, მეზობლების თქმით, ისინი დაკრძალვაზე იყვნენ წასული. იმავე მეზობლების მიერ გზაში დაწეული სატელეფონო ინფორმაციით, ოჯახს მოხსნილი აქვს ყველა სახის დახმარება.

აქ დამთავრდა ჩვენი სარეპორტაჟო მარშრუტი. 17 საათისათვის დავტოვეთ სოფელი, სადაც თავის დროზე აბრეშუმის გზაც კი გადიოდა, მაშინ არ არსებობდა ნასაკირალის უღელტეხილი. დეზაზუს ზომ ყველა დროში სეფე სიტყვის მფლობელი და არანაკლები საქმის მკეთებელი სოფელი იყო.





# რამაზან-ბაირამი აღინიშნა



მი ჩამოდის საქართველოს სხვადასხვა რეგიონიდან.

რამაზანის მარხვის დროს განთიადიდან მზის ჩასვლამდე მუსლიმები ყოველგვარ საჭმელსა და სასმელზე უარს ამბობენ. მარხვის დასრულების დღეს მუსლიმები ტრადიციულ ტკბილეულს ჰაღვას ამზადებენ, წინაპრების საფლავებს მობინახულებენ და ნათესავებს სტუმრობენ.

– „ეს დღესასწაული, მორწმუნეთათვის რამაზანის მთავარი ღირსეული საჩუქარია. დაე, მთელს მსოფლიოში დასრულებულიყოს არეულობა, ძალადობა, სისხლისღვრა, მშობლების წუხილი, და ახალგაზრდების ტრაგედიები. დღესასწაული გა-ნაწყვებულთა შერიგების, ერთიანობის გაძლიერების და ურყევი ძმობის გა-მოვლინების საუკეთესო მომენტია“, – ნათქვამია საქართველოს მუფთის ბეგლარ ქაშაშვილის მიმართვაში.

**ალიონი.** 15 ივნისს, საქართველოში მცხოვრებმა მუსლიმებმა რამაზან-ბაირამის დღესასწაული აღნიშნეს. ტრადიციულად ბევრი მიმლოცველი იყო დაბა ნასაკირალის მეჩეთში. აქ დღესასწაულებზე ბევრი მორწმუნე მუსლი-

## შეხვედრა გენდერული თანასწორობისა და ოჯახური ძალადობის თემაზე

ორგანიზაცია „ქალთა ცენტრმა“, გენდერული თანასწორობისა და ოჯახური ძალადობის წინააღმდეგ ბრძოლის თემაზე, ოზურგეთის, ლანჩხუთის, ჩოხატაურის წარმომადგენელ ექიმებთან, თვითმმართველობის, მედიის, პოლიციის წარმომადგენლებთან, სოციალურ მუშაკებთან, არასამთავრობო ორგანიზაციებთან შეხვედრა, ოზურგეთის დემოკრატიული ჩართულობის ცენტრში გამართა.

შეხვედრაზე განხილული იქნა ქალთა მიმართ და ოჯახში ძალადობის წინააღმდეგ ბრძოლისთვის გასატარებელ ღონისძიებათა 2018-2020 წლების ეროვნული სამოქმედო გეგმები, რაც ითვალისწინებს ადგილობრივი თვითმმართველობის, სახელმწიფო სტრუქტურების და საზოგადოებრივი ორგანიზაციების

ერთობლივ ჩართულობასა და ძალისხმევას. სამთავრობო და არასამთავრობო ორგანიზაციებს შორის კოორდინირებული მუშაობის კანონით დადგენილ და პრაქტიკაში არსებულ ეფექტიანობას. შეხვედრა ითვალისწინებდა ქალთა მიმართ ძალადობის და ოჯახში ძალადობის მსხვერპლთათვის, საქართველოში არსებული სერვისებზე ინფორმაციების ხელმისაწვდომობას. მათ შორის ოზურგეთში დაგეგმილი კრიზისული ცენტრის გახსნასთან დაკავშირებით.

შეხვედრაზე მუნიციპალიტეტების წარმომადგენლებმა ადგილობრივ თვითმმართველობებში, არსებულ მდგომარეობასა და პროგრამებით გათვალისწინებულ სერვისებზე ისაუბრეს.



# სოფელ დვავზუში ჩაის ახალი საწარმო ამოქმედდა



ოზურგეთის მუნიციპალიტეტის სოფელ დვავზუში ჩაის გადამამუშავებელი ახალი საწარმო ამოქმედდა. თანამედროვე სტანდარტებით აღჭურვილი ჩაის გადამამუშავებელი საწარმო „საქართველოს თაივული“ სახელმწიფოს დახმარებით, „ერთიანი აგროპროექტის“ ფარგლებში შეიქმნა.

საწარმოს შექმნის ფინანსური მხარდაჭერა „სოფლის მეურნეობის პროდუქციის გადამამუშავებელი და შემნახველი ახალი საწარმოების თანადაფინანსების პროექტის“ ფარგლებში მოხდა. საწარმოში ჯამურად 428,520 აშშ დოლარი ინვესტიცია განხორციელდა, აქედან, 171,408 აშშ დოლარი გრანტია, ხოლო 150,000 აშშ დოლარი შეღავათიანი აგროკრედიტი.

საქართველოს გარემოს დაცვისა და სოფლის მეურნეობის მინისტრის მოადგილემ გიორგი ჩხეიძემ, გურიის გუბერნატორმა მერაბ ჭანუყვაძემ და სოფლის მეურნეობის პროექტების მართვის სააგენტოს დირექტორმა რევაზ ასათიანმა, ჩაის გადამამუშავებელი საწარმო დაათვალიერეს და საწარმოო პროცესს გაეცნენ.


კომპანია წელიწადში 15 ტონა სხვადასხვა დასახელების ჩაის აწარმოებს, რისთვისაც მხოლოდ ადგილობრივ ნედლეულს იყენებს. პროდუქციის რეალიზაცია გათვ-

ლილია ადგილობრივ ბაზარზე; სამომავლოდ იგეგმება მისი ექსპორტზე გატანაც. საწარმოში 10 ადამიანი დასაქმებული.

კომპანიაში 2018 წლის ბოლოსთვის USAID/REAP-ისა და სოფლის მეურნეობის პროექტების მართვის სააგენტოს მხარდაჭერით, სურსათის უვნებლობის საერთაშორისო სტანდარტი - ISO 22:000 დაინერგება. 2013 წლიდან დღემდე, სახელმწიფოს დახმარებით, „ერთიანი აგროპროექტის“ ფარგლებში, 170 ახალი და 845-ზე მეტი მოქმედი საწარმო დაფინანსდა. საიდანაც, გურიის რეგიონში შეიქმნა 7 ახალი და გადაიარაღდა, გაფართოვდა 7 საწარმო. სახელმწიფოს ფინანსურმა მხარდაჭერამ მეწარმეებს დამატებითი ბიძგი მისცა, წარმოების განვითარება-გაფართოებისთვის.

სოფლის მეურნეობის პროექტების მართვის სააგენტო „აწარმოე საქართველოში - ბიზნესის“ ფარგლებში, ახორციელებს „ერთიანი აგროპროექტს“, რომელიც გათვლილია გრძელვადიან განვითარებაზე და მისი მიზანია ისეთი გარემოს შექმნა, რომელიც ხელს შეუწყობს სოფლის მეურნეობაში კონკურენტუნარიანობის ამაღლებას, მაღალხარისხიანი პროდუქციის წარმოების სტაბილურ ზრდას, სურსათის უვნებლობის საერთაშორისო სტანდარტების დანერგვას.

## „ჭადრების ბაღის“ ბინადარნი



გაკეთებულ ძელსკამზე ახალი თაობის წარმომადგენლები, მაგრამ, სამწუხაროდ, ჩემ მიერ ჩამოთვლილი პერსონები ვეღარ მოესწრნენ ყოველივეს. ვეღარ გაივლიან თავიანთ საყვარელ ოზურგეთის ქუჩებში ლაღად. ჩვენ კი ყველა გვახსოვს და გვემახსოვრება მანამ, სანამ ვიქნებით ამ ცოდვილ ქვეყანაზე. ღმერთმა ნათელში ამყოფოს მათი სულები...

ამ ნომერში ვამთავრებთ ჭადრების ბაღის“ ბინადართა მოგონებას, კიდევ ერთხელ მოვიხიდი ბოდიშს თუ ვინმე გამომჩნა, ვინმეს ისე ვერ მოვეფერე, როგორც იმასაზურება.

- მამ ასე:
- გივი მელუა, გაზის ტრესტის მმართველი;
- რეზო გუგულიძე, ბუღალტერ-ეკონომისტი;
- თამაზ გუბულიძე, ინჟინერი;
- დათო იმედაშვილი, კავშირგაბმულობის დირექტორი;
- ჟორა ერქომაიშვილი, ომის ვეტერანი;
- ელგუჯა ზომბერიკი, ექიმი, ქირურგი;
- გერონტი ღლონტი, წარმატებული მხატვარი;
- თანდულა ნაცვალაძე, ქორეოგრაფი, ანსამბლ „შვიდკაცას“ წევრი;
- გივი ახმეტელი, საქართველოს დამსახურებული არტისტი;
- ვახტანგ სალუქვაძე, დამსახურებული იურისტი;
- ნილოსი გუგუნავა, სწავლული აგრონომი;
- შოთა ქიქოძე, ექიმი;

- ავთო (ავთორა) ურუშაძე, ექიმი;
- რეზო ურუშაძე, აგრონომი, ბაზიერი;
- კიკოლიკა თაყაიშვილი, ოზურგეთის კოლორიტი, ჰქონდა მოძრავი „სიკინჭილა“;
- საყვალა სალუქვაძე, არქიტექტორი;
- ჰამლეტ დოლიძე, პედაგოგი, მუსიკოსი, ქორეოგრაფი, ფეხბურთელი;
- ავთო ლომთათიძე, უნივერსამის დირექტორი;
- ბიჭიკო მეგრელაძე, სპორტის ოსტატი სასტენტო სროლაში;
- ლერი უჯმაჯურიძე, არაჩვეულებრივად თბილი პიროვნება;
- ნოდარ ვანიძე, ფეხსაცმელების არტელის უფროსი;
- იუზა მამულაშვილი, კავშირგაბმულობის მუშაკი;
- ჯემალ მამულაშვილი, საკონსერვო ქარხნის ტექნოლოგი;
- მერაბ მამულაშვილი, ეკონომისტი, საქონელმცოდნე;
- ზაზა გაბუნია, ექიმი, უროლოგი;
- ჯუშბერ დუნდუა, ცნობილი ქორეოგრაფი;
- გივი პაპიძე, რაიონის ყოფილი კომისარი;
- გელა სიამაშვილი, სწავლული აგრონომ-ეკონომისტი;
- ნოდარ ქარცივაძე, ანსამბლ „შვიდკაცას“ წევრი;
- თემურ ცქვიტინიძე, ინჟინერი;
- ოთარ გოგუაძე, მუსიკოსი;

- გერა ღლონტი, ინჟინერ-მშენებელი;
- თემურ ნიკოლაიშვილი, საგადასახადო სამსახურის უფროსი;
- იური ჩიხლაძე, მუსიკოსი;
- ნუგზარ ტულუში, (ბაცუნა), საგზაო სამმართველოს უფროსი;
- ომარ ხელაძე, ეკონომისტი;
- ლევან კიკვაძე, საქვაჭრობის დირექტორი;
- ზალიკო სამონიძე, სპორტსმენი, მუსიკოსი;
- კუკური ნინიძე, ავტოინჟინერი;
- აზიკო კალანდაძე, ინჟინერ-მექანიზატორი;
- ია მოლარიშვილი, ისტორიკოსი;
- თემურ გოგიბერიძე, (ბეხლენა), სტუდენტი;
- რუსლან თალაკვაძე, მეთევზე და მონადირე;
- ზაურ ჩაველიშვილი (პესკა), ვაჭრობის მუშაკი;
- მამია თუთაიშვილი, თეატრალური მხატვარი;
- ვლადიმერ ჯინჭარაძე, მონადირეთა კავშირის თავმჯდომარე;
- შოთა გოგუა, ნასაკირალის ჩაის ფაბრიკის დირექტორი;
- გურამ ცერცვაძე, ტექნოლოგი;
- ავთო ჯიჯიეშვილი, ტექნოლოგი;
- ზურაბ გადახაბაძე, ანსამბლ „შვიდკაცას“ წევრი.

ბახუტა ოთხმეზური





# პა სოფელო, რაშიბან ხარ, რას გვაბრუნებ, რა ზნი გვჭირსა...

დაქორწინება გადაწყვიტა ქალი-შვილის სრულწლოვნად გახდომის შემდეგ. იოსებს მასწავლებლები მიუჩინეს, რომელებიც არაბულსა და თურქულს ასწავლიდნენ. შემდეგ პარიზში გაგზავნეს სასწავლებლად, სადაც საინჟინრო საქმე უნდა შეესწავლა, პარიზში იოსებმა 4 წელი დაჰყო, სწავლა დაამთავრა 1831 წელს. მას დიდი მომავალი ელოდა ეგვიპტეში, მაგრამ სამშობლოში დაბრუნების სურვილი ჰკლავდა. ამავე პერიოდში უეცრად გარდაიცვალა მისი სასიძამრო. „ თვალში სინათლე დამიბნელდა, რადგანაც მე იმ კაცს, როგორც ჩემს აღმზრდელს, პატივს ვცემდი, მე ის მიყვარდა“ – ერდა შემდგომ იოსები.

1829 წელს რუსეთმა და ოსმალეთმა სამშვიდობო ზავი შეკრეს. ზავის თანახმად ტყვეებად გაყიდულებს ან სამხედრო ტყვეებად წაყვანილებს თურქეთში იქნებოდა ეს თუ ეგვიპტეში, ნება ეძლეოდათ თავისი უძრავი და მოძრავი ქონება გაეყიდათ და სამშობლოში დაბრუნებულიყვნენ.

ალი-ამედი-ეფენდიმ/იოსებმა/ აღარ სდია თავის უძრავ-მოძრავი ქონების საკითხს, მიატოვა პირიზი და სტამბოლში ჩავიდა, სადაც რუსეთის

საიმპერატორო დესპანს-გრაფ მედებს მიაკითხა და თავისი ვინაობა გააცნო. მოკლე ხანში აღიდგინა თავისი ნამდვილი სახელი და გვარი.

მას ფიცი დაადებინეს რუსეთის ქვეშემდომობაზე და იმპერატორ ნიკოლოზ I ერთგულებაზე. ამის შედეგ იგი სამშობლოში გამოემგზავრა ბარონ როზენის განკარგულებაში „ სათანადოდ“ გამოსაყენებლად.

იოსები პირველად ლანჩხუთში ჩავიდა, მაგრამ თავისი დედ-მამა დახლოცილი დახვდა, მერე თბილისისკენ გამოემურა და გამოეცხადა გენერალ როზენს, რომელიმაც 1832 წლის 2 ნოემბერს გაამწესა თავისი კანცელარიაში მთარგმნელად (მხედველობაში არ იქნა მიღებული მისი სამხედრო განათლება და სინჟინრო სპეციალობა) წლინახევრის შემდეგ ბარონ როზენის შუამდგომლობით და დახასიათებით მას მისცეს პრაპორშჩიკის ჩინი და დაენიშნა 150 „ ჩერვონეცი“ წლიური ჯამაგირი. იოსები მალე კავკასიის ცალკე კორპუსის შემადგენლობაში ჩარიცხეს და ომში გაიწვიეს წებელდასა და ადღერის მიმართულებით.

ამავე პერიოდში მან დაიწყო დავა ეგვიპტის მთავრობასა და სამღვდელოებასთან იმ მემკვიდრეობის

შესახებ, რომელიც მას ეკუთვნოდა მირახორ-აღას ანდერძის თანახმად. ამ დროისთვის მირახორ-აღას ქალიშვილი იოსების საცოლე უკვე გათხოვილიც იყო და გარდაცვლილიც, იგი ქმარს მოუკლავს. გარკვეული დავისა და მოთხოვნის გაგზავნის შემდეგ ეგვიპტის მუფტიმ თბილისის მუფტის საშუალებით უპასუხა, რომ ქონებაზე წილოსანს უარი ეთქვა, რადგანაც იგი განუღვა ყურანს და უღალატა სარწმუნოებას.

40-იან წლებში წილოსანმა ცოლად მოიყვანა სომეხი დეკანოზის ნიკოლოზ იზმიროვის ქალი ეფემია, რომელიც საკმაო ქონების პატრონი იყო.

1844-1845 წლებში შეიქმნება მეფისნაცვლის თანამდებობა. ამ თანამდებობაზე დაინიშნა მიხეილ ვორონცოვი. ამ პერიოდში თბილისში წარმოიშვა ლიტერატურულ და საზოგადოებრივ მოღვაწეთა ანუ მოწინავე ინტელიგენციის ახალი თაობა, რომელიც წინ უსწრებდა თერგდალეულთა თაობას. წილოსანი ებმება მეცნიერულ მუშაობაში (ენათმეცნიერები დარგი) და იგი უკავშირდება აკადემიკოს ბროსეს.

1845-1847 წლებში იოსები მუშაობს კავკასიის არმიის შტაბში. იგი

მივლინებული იქნა ტრაპიზონში გურული დესპანების საბუთების სათარგმნელად ოსმალურიდან რუსულად. ამ პერიოდში მან დაწერა აღმოსავლური ენების თვითმასწავლებელი. 1848 წელს იგი გადის პენსიაზე და ინტენსიურად მუშაობს თავის შრომებზე. 1856 წელს გამოსცა 607 გვერდიანი პირველი ბეჭვდითი შრომა- რუსულ-ფრანგულ- თურქული ლექსიკონი.

შემდგომში დაამთავრა შრომა არაბულ და ფრანგულ ენებზე. იგი წარმოადგენ არაბული ენის სასწავლო სახელმძღვანელოს (გამოთქმითა და თარგმნით თურქულსა და ფრანგულ ენებზე) ხელნაწერი შესრულებულია 500 გვერდზე, შრომა შეიცავს 4 ენას-არაბულს, თურქულს, სპარსულს და რუსულს.

იოსები აქტიურ მონაწილეობა იღებდა სხვადასხვა ხელნაწერისა და საბუთის თარგმნაში სპარსული ენიდან. ხელმოკლეობის გამო 1859 წელს იგი კვლავ ბრუნდება სამხედრო სამსახურში და მთარგმნელად ინიშნება თავის ძველ თანამდებობაზე.

1872 წელს ი. წილოსანს პოლკოვნიკის ჩინი მიანიჭეს. მას გადაწყვეტილი ჰქონდა 1873 წელს, ხან-

დაზმულობის გამოსამხედრო სამსახურისთვის თავი დაენებებინა, მაგრამ მოულოდნელად გარდაიცვალა. იგი ცხოვრობდა თბილისში, ოლღას ქუჩაზე, ჰყავდა სამი შვილი - მარია-მი, დაბადებული 1842 წელს, რომელიც გათხოვილი იყო ცისკარიშვილზე, ნატალია, დაბადებული 1843 წელს, გათხოვილი - ფორაქიშვილზე და ვაჟიშვილი ნიკოლოზი.

იოსებ ლაზარეს ძე წილოსანის ბიოგრაფია შეისწავლა ივანე არჯევანიძემ და ვრცელი სტატია გამოაქვეყნა 1946 წელს.

ძალით გადასახლებული ქართველი ხალხი ტირილითა და გოდებით ტოვებდა სამშობლოს, კარგავდა თავის ეროვნებას, ენას სარწმუნოებას... სამწუხაროდ, XX საუკუნის ბოლოს და XXI საუკუნის დასაწყისში მოსახლეობამ თავისი ნებით მასობრივად დაიწყო უცხო ქვეყანაში წასვლა სამუშაოს საძებნელად, ეს ახლა დიდი უბედურებაა. ასე შეიძლება სულ დაიკარგოს ქართული გენი.

ლევან კვიციანი

## სკანვორდი

თუთიყუში    მალამო    ძვირფასი თვალი    კვერცხის ფრანგული კერძი    ხელით მსხვილი ნაკერი    ალკოჰოლიანი სასმელი

უბანი ომურგეთში    ტროპიკული ხილი

იგალიელი მომღერალი მსახიობი    ბესიკის ლექსი ტანო ტა...    სოფელი მუგდლის მუნიციპალიტეტში

ამერიკის აღმომჩენი    სარკინობი    სამხატვრო საღებავი

სამთო კურორტი საქართველოში    დღევანდელი სირია ძველად

მცირე მომის სასმისი

ხევი    თვალის ფერადი გარსის ანთება

ანბანის მე-18 ასო    ანბანის მე-18 ასო    ჩინეთში მცხოვრები აბორიგენი    გივი მოფერებით

ალმოსავლური ორთაბრძოლა

სოფელი ქელის მუნიციპალიტეტში    ნამცხვარი

კომში    ღიას

ნაბიჯი ცეკვაში    მწერალი თომას .....

გულის დაზარალება

კბილი მეგრულად    მცენარე

ვიეტნამის დედაქალაქი    მუნიციპალიტეტში    იმერული შეძახილი

ძველებური სარეცხი საშუალება    სოფელი ცაგერის მუნიციპალიტეტში

### № 23-ში გამოქვეყნებული სკანვორდის პასუხები:

სურათზე – ირმა ნიორაძე; მცირე ზომის ნავი – სანდალი; სილიკატის კლასის მინერალი – აზბესტი; მწერალი სომერსეტ... – მოემი; საიდუმლო გულისსინაღები – ზვამიანი; ცეცხლის ასანთები – ასანთი; სააგენტო – იფრინდა; მეტყველების ორგანო – ენა; წუწუნა – ვიწვი; კავშირი – და; წინააღობის ერთეული – ომი; რუსი ფერმწერი – აივანოვი; ჯოუტი – ურჩი; მოგება – დივიდენდი; ნოტი – დო; სიგარეტის საზომი – დუმი; სოფელი ადგილის რაიონში – უდე; მ. დავითაშვილის ოპერა – ჯაჯანა; კარგი ამინდი – დარი; ქალბატონი რომ მამაკაცებს წაართვის – შარვალი; ა. გოლიკოვის ფსევდონიმი – გაილარი; სკუადრა აპურას ყოფილი მწვრთნელი – ერერა; გაქრისტიანებული არაბი – აბო; მწერალი – ... დემანა; პატარა ტბა გურიაში – ჯაჯი; ტბა საქართველოში – ტბაწყურვი; წუწვი – ხამი; განთავსება – აიხი; მუნიციპალიტეტი ქვემო ქართლში – დმანისი; სესხი – ვალი; ლაპარაკი რომ უჭირს – ბლუ; ირლანდიელი მწერალი – ბეინობი; სუბრაბიკული მცენარე – ჩაი; თბილისური ფარგონი – ტი; მდინარე რუსეთში – ოკა; ცის სფეროს წარმოსახვითი ნაწილი – ზაფხუმი



# ქალაქი ოზურგეთი

## სატახტო პარლანისკე გურიელებისა

გაგრძელება, დასაწყისი იხილეთ გაზეთი „ალიონი“ №1-8,11,15-23

რუბრიკას უძღვება მანანა მამარინიშვილი ოზურგეთის ისტორიული მუზეუმის თანამშრომელი



გურიელის სასახლე

ოზურგეთის ბაზარზე მიმოქცევაში მყოფი თურქული ფულადი ერთეული – ყურუმი უდრიდა 40 ფარას, 40 კაპიკს, 40 კაპიკად ფასობდა მაშინ:

ერთი ბატკანი, წყვილი რჩეული დოში, იმერული კარგი ჩექმა, კარგი ტილო, სასროლი ბადე.

მომდევნო ფასებიდან აღსანიშნავია მიმოქცევაში არსებული შაური, რომელიც შესატყვისი იყო 4 ფარის, ოთხი კაპიკისა, შაურად ფასობდა ოზურგეთის ბაზარზე:

ოყა (სამი კილოგრამი) ძროხის, ხბოს, თხისა და ღორის ხორცი.

საოცარი სითაფე იყო „ფარის“ – კაპიკის განსაზღვრების თვალსაზრისითაც. მივევთ „ნიხრის“ თანამიმდევრობას:

გოჭი – 8 ფარა – 8 კაპიკი;  
წიწილა – 4 ფარა, 4 კაპიკი;  
უფრო პატარა – 1 ფარა, 1 კაპიკი;

ორი თავი დამარილებული ყველი – 1 ფარა, 1 კაპიკი;

კარგი ქალამანი – 10 ფარა, 10 კაპიკი;

რჩეული ფარგა (თევზი) – 10 ფარა,

უარესი – 5 ფარა, 5 კაპიკი;

დიდი გობი – 3 ფარა, 3 კაპიკი;

პატარა გობი – 2 ფარა, 2 კაპიკი,

ოთხი თიხის ლამბაქი – 1 ფარა, 1 კაპიკი;

ორი აფხაზური ბაწარი – 2 ფარა, 2 კაპიკი;

გურული ბაწარი – 1 ფარა, 1 კაპიკი;

ბათმანი (ფუთი) ხახვი – 6 ფარა, 6 კაპიკი;

გრძელი ბადე-ზეტაკე – 6 ფარა, 6 კაპიკი;

ქლა ნიგოზი (ორი ფუთი) 6 ფარა, 6 კაპიკი;

9 ცალი მსხალი – 1 ფარა, 1 კაპიკი;

ერთი დოქი არაყი (44 ბოთლი), 6 ფარა, 6 კაპიკი;

კულა ზურგიელი 1 რუბი-13ფარა, 13 კაპიკი;

ჩარქეი ხიზილალა – 13 კაპიკი;

ბადე მოსადები, თითი ფხარი – 1 რუბი, 13ფარა, 13 კაპიკი.

ოზურგეთის მოურავობამ ბაზრიდან მიღებულმა შემოსავალმა განადიდა და დოვლათით ადავსო ნაკაშის ძენი. მალე მათ აღლო აუღეს ოზურგეთის მოურავობის სარფიან საქმეს და შემოქმედის, ჩოჩხათის, ჩიბათისა და ჯურუყვეთის მოურავობასაც გამოჰკერეს ხელი.

1820 წელს რუსთა სარდლობამ „მაიორ გიორგი ნაკაშიძეს სამოურავოდ მისცა ჩოჩხათი, ჩიბათი და ჯურუყვეთი. 1820 წელს საეკლესიო აჯანყების დროს რუსთა

წინააღმდეგ, ამ სამოურავოს არსებობა შეწყდა.

1828 წელს ჩიბათისა და ჯურუყვეთის სამოურავოები კვლავ გამოჩნდნენ გურიის ეკონომიკური ყოფის ავანსცენაზე. მათი მესვეურები, მათი მოურავები ამჟამადაც ნაკაშიძეები აღმოჩნდნენ... მათსავე ხელთ იყო ამავე დროს მეღვინეთუხუცესის სახელი.

გურიის მთავრის მიერ მოურავებზე დაქვემდებარებული ბაზრობები მარტო ოზურგეთში არ იყო წარმოდგენილი. ბაზრობები ოზურგეთის ქვეყნის სოფლებშიაც იმართებოდა. განსაკუთრებით ცნობილი იყო დაბა დვავზუს ბაზრობა, რომლის შესახებაც კავკასიის მთავარმართებელი ბარონი გრიგოლ როზენი წერდა:

„გურიაში დაბა დვავზუს არის ბაზარი და წარმოებს ყოველკვირული ვაჭრობა... რომელზედაც მოდიან იმერლები, გურულები, თურქები, ქობულეთელები, და მოსაზღვრე სხვა ადგილებიდან.

დაბა ნაგომარსა და ლანჩხუთში, – მისივე ცნობით, – იმართება ყოველწლიური ბაზრობა, რომელიც 8 დღე გრძელდება: პირველში 17 ივლისიდან. მეორეში – 8 სექტემბრიდან. არის აგრეთვე ბაზრობა სოფელ ვანისქედში – ადგილობრივი პირველ კვირას და ჯუმათის მონასტერში 13 სექტემბერს“.

როზენის ცნობით როგორც იმერეთის, ასევე ზემოსხენებულ ბაზრობებზე ძირითადი მოვაჭრენი – საქონლის შემომტანი სომხები და ებრაელები იყვნენ რომლებიც ადგილობრივ მოსახლეობაზე ჰყიდნენ: შაქარს, ჩაის, ყავას, რომსა და სხვა სასმელებს, სხვადასხვაგვარ აბრეშუმისა და ბამბის ქსოვილებს, მაუდს, ადგილობრივ და მთიდან მოტანილ ნაწარმს და სხვა საქონელს საკმაო რაოდენობით, ქვეყნის მცირედი მოთხოვნილების დასაკლავოფილებლად... მეზობელ ბაზრობებზე ურთიერთ მიმოსვლა იყო... გურიიდან ხშირად დადიოდნენ იმერეთ-სამეგრელოს ბაზრობებზე – ხონის, სენაკის ბაზრობებზე, სადაც იყიდებოდა მსხვილფეხა საქონელი, „მთის მაუდი“, აბრეშუმის, ბამბისა და მატყლის ადგილობრივი ნაწარმი.

განსაზღვრელი გავლენა როგორც ოზურგეთის ასევე მისი ქვეყნის სოფლებზე სავაჭრო საქმიანობასთან დაკავშირებული საკითხებზე – აქ გამართულ ბაზრობებზე ოზურგეთის მოურავს – ნაკაშიძეთა გვარიდან ჰქონდა მინდობილი, თუმცა უკვე ახლა ქაიხოსრო გურიელის მიერ დაწესებული გასასყიდი საქონლის ნიხრი, მხა-



კავკასიის მთავარმართებელი როზენი

რეში რუსული მმართველობის შემოღების გამო აღარ იყო ძალაში.

1837 წლის ცნობით ოზურგეთის შესახებ იმხანად აღნიშნავდნენ:

„სოფელი იქ არაა. მოედნის ირგვლივ, მთავრის ქვის სახლის ახლოს (იგულისხმება მამია V გურიელის სასახლე, ე.გ.) განლაგებულია რამდენიმე ქვის პატარა სახლი და ერთი დიდი შენობა, რომელიც წარმოადგენს ყაზარმას.

აქვეა მმართველობა... მცირე და ძველი ხის ეკლესია. ცოტა ახლოს ათამდე დუქანია, თუ ფარდული“.

„ოზურგეთის ქვეყნის“, როგორც ქალაქის ასევე სოფლის ცხოვრებაში მშენიშნელოვან როლს ასრულებდა მამასახლისი. ქართულ სამოხელეო წყაროებში მამასახლისის სახელი უძველესია. ლეონტი მროველთან მრავალგზის მოხსენიებული „მცხეთის მამასახლისი“ ქართლის იბერიის სახელმწიფოს ფუძემდებელი მეფე ფარნავაზ იყო მმისწული სამარა მამასახლისისა.

მამასახლისები ჰყავდათ არა ცალკეულ სოფლებს, არამედ ქალაქებსაც, ამ „მამასახლისიან ქალაქებში“ ოზურგეთიც ირიცხებოდა. მოურავის შემდგომ ქალაქის ცხოვრებაში მას უპირველესი ადგილი ეჭირა.

მამასახლისის შემდგომ ფეოდალური ხანის საქართველოში მოურავის შემდგომ მოურავის თანამემწე, ნაცვალი, ანუ შემდგომი. დროის – რუსული მმართველობის პოლიცემისტური მოდიოდა. ისე როგორც მოურავს და მამასახლისს, ასევე ოზურგეთის ნაცვალსაც გურიელი ნიშნავდა.


„ნაცვალი ამოწმებდა ქალაქში ნასყიდობის წყალობას, თუ თავდასხნილობის წიგნებსაც, თვალყურს ადევნებდა ქალაქში, უმთავრესად კი ქალაქის ბაზრებში წესრიგის დაცვას. სათანადო წესდებებში ნათქვამია: „ქალაქის ნაცვალის ერთ-ერთ უმთავრეს მოვალეობას შეადგენს წესრიგის დაცვა... მოურავის ნაცვალი ყოველთვის უნდა სინჯავდეს ლიტრას, ადლს, საწყაოსა და ყოველივე საწონს, ყოველივე გასაზომს, თუნგს... რომელსაც ნაკლებობა და სიმრუდე შეაჩნდეს, ჯარიმა უნდა დაერთვას. ისე როგორც მოურავსა და მამასახლისს ისევე ნაცვალის სარგო თუ გასამრჯელო ნატურით განისაზღვრებოდა ვიდრე მხარეში რუსული მმართველობის დაწესებამდე.

ენვერ გოგუაძე

## სულთათანა

# პირველი დაბადების დღე უშენოდ ბიძი

პირველი ზაფხული უშენოდ ბიძი. ნეტა იცოდებოდა გვიჭირს ყველას უშენობა ბიძი. დედაშენს 90 წლის ასაკში გამოაცდევინე შვილის სიკვდილის გრძობა. 90 წლის დედა 57 წლის შვილი ვაჟაკი კაცი საფლავთან მიაცილა. შენ მეუღლეს 50 წლის ასაკში გამოაცდევინე, თუ რას ნიშნავს იყო ქრები. შენი დედაშიშვილები დატოვე ვაჟაკი ძმის გარეშე. შენი ტყუპისცალი და დღეს დაბადების დღეს მარტო ხვდება და ვერ ჩაგეხუტება და ვერ გეტყვის: ბიძი ძმაო გილოცავ. ჩვენ ყველას მოგვიწევს სამწუხაროდ შენს საფლავზე მოსვლა.



ალმა გაანათოს შენი ლამაზი სული. ნათელი და სანთელი ...

შენი დისშვილისშვილი მ ა რ ი ა შ ი

რა დიდი ტკივილია დაკარგო ადამიანი და იმ ადამიანის გარდაცვალებას შეეგუო. რომელიც 12 წელი გზრდიდა. რომელსაც ყოველი შენი წინ გადადგმული ნაბიჯი უხაროდა. სწორედ იმ ადამიანმა დაგვტოვა და ცათა სასუფეველში გადაინაცვლა. ბიძი ჩვენო მონატრებულო უფ-

## ნანა ჩხაიძე



სამი წელი გავიდა უშენოდ ნანა, სამი ტკივილით და ღარდით სავსე წელი. დრომ ვერ განკურნა უშენობით გამოწვეული ტკივილი.

მზრუნველი ბებო ენატრება გიორგის და ანრის, ენეტრები დედის მზრუნველობის გარეშე დარჩენილ შენს ერთგულ შვილს, გოჩას და შენს თვალცრემლმუშემშრალ მეუღლეს ანზორის.

ღმერთმა ნათელში გვიმყოფოს შენი სული ნანა.

ანზორ და გოჩა დოლიძეები

ნიადაგისა და სურსათის დიავნოსტიკის ცენტრ „ანასეულის“ თანამშრომლები ღრმა მწუხარებით იუწყებიან ყოფილი თანამშრომლის **ნანა პრიგოლის ასული სინარულიძე-ღუგუაძის** გარდაცვალებას და თანაუგრძნობენ განსვენებულის ოჯახს

### განცხადებები

იყიდება 9 400 კვ. მ მიწის ნაკვეთი ქობულეთის ტრასაზე, ანასეულის გადასახვევიდან 400 მეტრის დაშორებით.

\*\*\*

იყიდება 30 კუბური მეტრი დახერხილი კედრის მასალა. ტელ. 599 58 75 32; 599 61 11 60.

### მეტალოპლასტმასის კარ-ფანჯრების დამზადება ყველაზე იაფად და ხარისხიანად

ტელ: 598 00 53 53



# მილოცვები



**კვლიატრიის მედიცინის  
მეცნიერებათა აკადემიურ  
დოქტორს ივანე (ვანიკო) ჩხაიძეს  
ვულოცავთ 60 წლის იუბილს,  
გუსურგობთ დიდ სისარულს,  
ბედნიერებას ოჯახთან ერთად!!!**

**ეთერ ცინცაძე,  
დავით ლუჯავა.**

ღ

**დაბადების დღეს ვულოცავ  
საყვარელ დეიდაშვილს**

**ეთერ ცინცაძეს, გუსურგობ**

**დიდხანს  
სიცოცხლესა და  
ბედნიერებას!!!**

**დავით ლუჯავა.**

ღ

**ეპროკის ჩემპიონატი დიდებს  
შორის მძაფროსნობაში**



ევროპის ჩემპიონატს დიდებს შორის ლიხტენშტეინმა უმასპინძლა, შეჯიბრებაში, 19 ქვეყანასთან ერთად, საქართველოს ნაკრები გუნდი 7 სპორტსმენით იცავდა ჩვენი ქვეყნის ღირსებას, მათ შორის იყო ოზურგეთელი ბირთვის მკერდელი **სოფო შათირიშვილი** (მწვრთნელები – კოტრიკაძე, მანთიძე).

ვერცხლის მედლის მფლობელი გახდა. საქართველოს ნაკრებმა სულ 6 მედალი მოიპოვა – ორი ოქრო, სამი ვერცხლი და ერთი ბრინჯაო. ვულოცავთ საქართველოს ამ დიდ წარმატებას და ოზურგეთის სასიქაღულო შვილის ყოლას. ვუსურვებთ სოფოს უფრო მაღალი კვერცხლებების დაპყრობას.

სოფომ წარმატებით იასპარეზა და

# უფლებული უსაქმიანობის მქონე პირთა უფლებების დღე აღინიშნა



**ალიონი.** 14 ივნისს შეზღუდული შესაძლებლობის მქონე პირთა უფლებების დღე აღინიშნა საქართველოში. ღონისძიებაში აქტიურად მონაწილეობდნენ საქველმოქმედო ორგანი-

ზაცია „გურიას“ ბენეფიციარები. 5 საათზე ოზურგეთის სახელმწიფო თეატრიდან „ახალგაზრდა პედაგოგთა კავშირის“ ბაზაზე არსებული ლიდერთა სკოლის მოსწავლეებთან ერთად მოეწყო მსვლელობა, რომელიც დასრულდა ოზურგეთის კულტურისა და დასვენების პარკში. კულტურისა და დასვენების პარკის ამფითეატრში გაიმართა ღონისძიება ჩვენი საქველმოქმედო ასოციაცია „გურიას“ ბენეფიციარების მონაწილეობით. შშმ პირთა უფლებების დაცვის დღე ბენეფიციარებს ოზურგეთის მუნიციპალიტეტის მერმა კონსტანტინე შარაშენიძემ მიულოცა.

# სტიქიის უძლეად დაღუპულთა ხსოვნას მიეძღვნა

**ალიონი.** 2015 წლის 13 ივნისის ტრაგედიიდან სამი წელი გავიდა. სტიქიის უძლეად დაღუპულთა ხსოვნას ოზურგეთის მუნიციპალიტეტის ადმინისტრაციულ შენობასა და „ჭადრების პარკში“ სპეციალური ფოტო-გამოფენა მიეძღვნა. ფოტო-გამოფენა ოზურგეთის მუნიციპალიტეტის მერიის სპორტისა და ახალგაზრდობის საკითხთა განყოფილების, ასევე მოსწავლე-ახალგაზრდობისა და სარეკრეაციო დაწესებულებათა გაერთიანების ორგანიზებით გაიმართა.



# დიდი მატჩი: რონალდო - ესპანეთი 3:3

მსოფლიოს ჩემპიონატის ჯგუფური ეტაპის პირველ ტურში ესპანეთისა და პორტუგალიის ნაკრებების ულამაზესი მატჩი 3:3 დასრულდა. როგორც იქნა, ტურნირზე დიდი ფეხბურთი ვიხილეთ, დიდი და ძალიან ლამაზი. შეხვედრა მართლაც საინტერესოდ დაიწყო, უკვე მე-3 წუთზე რონალდომ თავის მიერვე მონადირებულ თერთმეტმეტრიანით (თამაშის წესები მისმა თანაგუნდელმა ნაჩომ დაარღვია) გახსნა ანგარიში. ის მეოთხე ფეხბურთელია, რომელმაც 4 მუნიცპალზე გაიტანა გოლი. აქამდე ეს მხოლოდ უკე ხეილერმა, პელემ და მიროსლავ კლოზემ შეძლეს. მას აგრეთვე ევროპის 4 პირველობაზე აქვს მეტოქეთა კარი დალაშქრული, რაც დაგვეთანხმებით, უნიკალური მიღწევაა. ამის შემდეგ ესპანეთმა შეუტია, დავიდ სილვამ კარის აღების ორი კარგი შესაძლებლობა ვერ გამოიყენა, რასაც პორტუგალიელთა სწრაფი კონტრიერიში მოჰყვა და კრიშტიანოს კარგი პასი გუედელმა ვერ გამოიყენა. საპასუხო შეტევისას კი დიეგო კოშტამ შესანიშნავი გოლი გაიტანა. მერე ისკოს დარტყმული ბურთი ძელს მოხვდა, ინიესტამ ოდნავ ააცილა ბურთი კარს. ბოლოს კი რონალდომ ისარგებლა დე ხეას შეცდომით, 2:1 და პირველი ტაიმი



პორტუგალიამ მოიგო. არადა, ამ შეხვედრის წინ "მანჩესტერის" მწვრთნელი ჟოზე მორენიო ამტკიცებდა, რომ რონალდო კლუბში და რონალდო ნაკრებში ეს ორი სხვადასხვა ფეხბურთელია. მეორე ტაიმი ფურია როხას შეტევებით დაიწყო, საჯარიმოში ჩაწოდებულ ბურთზე მცველს ბუსკეტსმა დაასწრო, კარის წინ თავით ჩააგდო და დიეგო კოშტამ დასწრებაზე მეორედ დაამწუხრა რუი პატრისიუ. მორიგი იერიშისას კი ნაჩომ შორიდან ყუმბარისებრი დარტყმით წინ გაიყვანა ესპანეთი - მან თავისი შეცდომა გამოასწორა. სხვათა შორის, ეს ეროვნულ გუნდში გატანილი 28 წლის ნაჩოს პირველი გოლია. ბოლოს ფერნანდო იეროს გუნდმა ბურთიც დაიჭირა, მაგრამ კონტრშეტევაზე პორტუგალიამ საჯარიმო მოიპოვა და კრიშტიანომ ცხრიანში ბრწყინვალე დარტყმით ჰეთ-თრიკი შეასრულა. აღსანიშნავია, რომ ერთ ფეხბურთელს მსოფლიოს ჩემპიონატზე ესპანეთის ნაკრებისთვის ერთ მატჩში აქამდე 3 გოლი არ გაუტანია. რონალდოს აქამდე ესპანელთა კარში გოლი არასოდეს არ გაუტანია.

# 7 დღის ამინდის პროგნოზი

<b>მზიანი ღრუბელი</b> +16+24 18 ივნისი ორშაბათი	<b>მზიანი ღრუბელი</b> +16+22 19 ივნისი სამშაბათი	<b>მზიანი ღრუბელი</b> +17+24 20 ივნისი ოთხშაბათი	<b>წვიმა</b> +17+26 21 ივნისი ხუთშაბათი	<b>წვიმა</b> +17+21 22 ივნისი - პარასკევი	<b>ღრუბელი</b> +16+20 23 ივნისი შაბათი	<b>მზიანი ღრუბელი</b> +17+22 24 ივნისი კვირა
--	---	---	--	--	---	---